



Inatsisartunut ilaasortaq, Aqqaluaq B. Egede, Inuit Ataqatigiit

Uunga tunngasoq. Tûgdlik pillugu § 37 naapertorlugu apeqquteqaatit

Asasara Aqqaluaq B. Egede.

Qujanaq Tûgdlik pillugu apeqquteqaatinnut.

12-03-2015
Sags nr. 2015-112666
Dok. nr. 1895413

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

1. Meeqqat piginnaanngorsarneqarnissaat siunertaralugu angallat Tuulliksullissinermi atorsimasoq naalakkersuisunit atorunnaarsinneqarnerata kingorna meeqqat pineqartut pillugit suliaq sumut killippa?

Umiarsuup atuarfiutigisup Tûgdliup meeqqanut inuusuttunullu ulloq unnuarlu paaqqinniffittut akuersissutaanik utertitsinissaq Naalakkersuisut 20. april 2011-mi aalajangiuppaat. Tamatumunnga atatillugu kommunit inuusuttunik Tûgdlimmut inissiisimasut Naalakkersuisunit attaveqarfigineqarput, tamatumalu kingorna suliani aalajangersimasuni aalajangersimasumik naliliineq tunngavigalugu kommunit allamut inissiinissaq imaluunniit angerlartitsinissaq aalajangiuppaat. Inuusuttut ilaat Namminersorlutik Oqartussat ulloq unnuarlu paaqqinniffiannut Qasapermiunut Sisimiuniittumut inissinneqarput. Aaliangiinerup kingorna inuusuttup kommunerisimasaannut angerlartinneqarput

2. Angallat Tuullik pisortanit meeqqanut sullissiviusussatut innersuunneqartoq qanoq piumasaqaateqarfigineqarsimava?

2004-mi Tûgdlik ulloq unnuarlu paaqqinniffittut nammineq ingerlasutut akuersissutigineqarpoq. Akuersissummi piumasaqaataapput "Paaqqinniffiup qinnuteqaammi nassiuunneqartumi allaaserineqarsimanageratut ingerlanneqarnissaa, paqqinniffimmut tigussaasumik sinaakkusiussat paaqqinniffiup siunertaanut oqartussanit attuumassuteqartunit (Søfartsstyrelsimi, sullivinnik nakkutilliisoqarfimmit il.il.) tamatigut akuersisaasimanissaat, tigussaasumillu sinaakkusiussat, siunertat, perorsaariaaseq il.il. , allanngortinneqarpata nutaamik akuersissuteqartoqartarnissaa, pissutsit Ilaqutariinnut pisortaqaarfiup nakkutilliinerani uparuarneqartut ingerlaannaq iluarsineqartarnissaat, kiisalu uteqqiattumik uparuarneqarnerit, tigussaasumik sinaakkusiussat akuersissutigineqannginnerat, imaluunniit siumoortumik akuersissuteqarani pingaaruteqartumik allannginerit, akuersissutip utertinneqarneranik kinguneqarsinnaallutik."

Ilaqutariinnermut Pisorta qarfiusup naallakkersuisimasut isulii Tûgdliup meeqqanik katsorsaavittut kaammattuutigisimanngilaa. Ilaqutariinnermut Pisorta qarfiusup naallakkersuisimasut isulii taamaallaat Tûgdliup qinnuteqaataanut akuerineqarnissamut isummerfigisarpa.

3. Meeqqanik sullissisussat inulerinermik ilinniarsimanissaannik piunasaqaateqarpa? Taamaanngippat sulisut atornerluisuunnginnissaat pinerluuteqarsimasuunnginnissaallu piunasaqaataasimappat?

Apeqqut 2-mut akissut innersuussutigineqarpoq.

4. Tuullik meeqqanik piginnaanngorsarnissaannik sullissisussat atorunnaarneqarnissaa naalakkersuisunit aalajangerneqarmat meeqqat eqqornerlunneqarsimasut pisortanit qanoq isumagineqarpatb?

Apeqqut 1-imut akissut innersuussutigineqarpoq.

5. Namminersorlutik Oqartussat aningaasaleeqataasarsimappat meeqqat sullinneqarnissaat qulakkeerniarlugu? Imaluunniit Kommunit aningaasaleeqataasarsimappat?

Meeqqanik inuusuttunillu ikiorsiisarneq pillugu Inatsisartut peqqussutaanni § 37 malillugu, peqqussut taanna malillugu meeqqanik inuusuttunillu ikiorsiinnermut aningaasartuutit kommuninit akilerneqartarput, Landskarsip tungaanit aningaasaleeqataasoqarneq ajorpoq.

6. Meeqqat pineqartut pitsaanngitsumik eqqorneqarsimappata matusinerup kingorna Namminersorlutik Oqartussat imaluunniit kommunit meeqqat pillugit iliuuserisimasaat suuppat?

Apeqqut 1-imut akissut innersuussutigineqarpoq.

7. Meeqqat qaammammut aningaasanik pisartagaqartinneqarpat? Taamaassimappat qulakkeerneqarsimava meeqqat aningaasat tigusarsimanageraa?

Nakkutilliinnermit nalunaarusiami 7. maj 2009-imeersumi allassimavoq, meeqqat inissinneqarsimasut tamarmik kaasarfimmioqartitaanissaat Tûgdlimmut siusinnerusukkt peqqussutigineqarsimasoq. Nalunaarusiami tassanerpiaq oqaatigineqarpoq tamanna malinneqarsimasoq.

8. Ukiut ingerlanerini angallat Tuullik meeqqanik qanoq amerlatigisunik pisortaniit suliakkerneqarsimava?

Tûgdlik ulloq unnuarlu paaqqinniffittut nammineq ingerlasutut 10-nut inissaqarluni april 2004-mi akuersissutigineqarpoq. Paaqqinniffik ilaneqarpoq Qooqquni nunami suliffigisaani 12-inik inissaqartisitilluni annertusineqarpoq, taakkunannga 2007-imi inissat 4 ilassutigineqarput 2008-milu inissat 8 ilassutigineqarlutik, taamaasilluni inissat katillutik 22-t inissaritinneqalerlutik. Inuusuttut qassit Tûgdlimmut inissinneqarsimanersut Tûgdlimmit ilisimaneqarpoq, ukiumoortumillu nalunaarusiani inatsisitigut pisussaaffiusuni takuneqarsinnaassalluni.

9. Angallat Tuullik pisortat aqutugalugit meeqqanut sullissivissatut akuerisaava?

Apequt 2-mut akissut innersuussutigineqarpoq.

10. Meeqqat pineqartut pisortanit iperaannarneqarsimangippata meeqqat inuunerannik pitsaassutimik qulakkeerinninniarnit qanoq qulakkeerneqarsimanersut nassuiarsinnaavisiuk?

Apequt 1-imut akissut innersuussutigineqarpoq.

Inussiarnersumik inuulluaqqusillunga
Med venlig hilsen

Martha Lund Olsen